

Kantonalna javna ustanova «Porodično savjetovalište», ulica Avdage Šahinagića broj 14/2, koju zastupa direktor, Senad Alić, prof. (u daljem tekstu: Kupac) i

Trgovina na malo „HED“, sa sjedištem u Sarajevu, ul. Braće Begić bb, ID br. 4302503380006, kojeg zastupa Vl. Edin Potogija, (u daljem tekstu: Prodavac) zaključili su

UGOVOR O PRODAJI KANCELARIJSKOG MATERIJALA ZA 2017. GODINU

Član 1.

Predmet ovog ugovora je nabavka (prodaja i isporuka) kancelarijskog materijala tokom 2017. godine.

Član 2.

Prodavac se obavezuje da će izvršiti prodaju i isporuku artikala kancelarijskog materijala prema specifikaciji iz Ponude Prodavca od 25.01.2017. godine.

Robe iz prethodnog stava člana 2. Ugovora Prodavac će isporučiti Kupcu na osnovu pismene narudžbenice, u 4 obroka i to:

- I obrok januar-mart 2017. godine;
- II obrok u periodu april-juni 2017. godine;
- III obrok u periodu juli-septembar 2017. godine i
- IV obrok u periodu oktobar-decembar 2017. god.

Član 3.

Vrijednost ovog Ugovora iznosi 2111,94 KM bez uključenog PDV-a, odnosno 2470,97 KM sa uključenim PDV-om.

Član 4.

Prodavac prodaje i isporučuje robu Kupcu na osnovu otpremnice – izlaza robe koja će biti potpisana i ovjerena od strane Kupca i Prodavca.

Član 5.

Za kupljenu robu Prodavac je dužan dostaviti fakturu Kupcu. Kupac je dužan platiti Prodavcu naknadu za isporučenu robu prema cijenama naznačenim u Ponudi Prodavca iz člana 2. ovog Ugovora, i to u roku od 30 dana od dana dostavljanja iste.

Član 6.

Spisak artikala u okviru Ponude Prodavca iz člana 2. Ugovora podložan je promjenama u toku ugovornog perioda, u zavisnosti od potreba Kupca, a uz prethodnu obostranu saglasnost ugovornih strana, i u okviru granica utvrđene vrijednosti ovog Ugovora iz člana 3. Ugovora.

Član 7.

Prodavac garantuje za nepromijenjenost ponuđenih cijena i za kvalitet isporučene robe.

Član 8.
Ukoliko isporučena roba ne odgovara traženom kvalitetu i svojstvima kao u specifikaciji iste, Kupac će o istom obavijestiti Prodavca i tražiti urednu isporuku.
U slučaju da Prodavac ne bude izvršio isporuku u skladu sa traženom, Kupac ima pravo jednostrano raskinuti zaključeni ugovor, bez poštivanja otkaznog roka.

Član 9.
Svaka od ugovornih strana zadržava pravo da raskine ovaj ugovor uz otkazni rok od 15 dana, i obavezu da pismenim putem obavijesti drugu stranu o razlozima raskida istog.

Član 10.
Eventualne sporove iz Ugovora, ugovorne strane će pokušati riješiti sporazumno, a u slučaju da isti ne mogu riješiti, obratit će se nadležnom sudu u Sarajevu.

Član 11.
Ugovor je sačinjen u četiri (4) istovjetna primjerka, od kojih svaka ugovorna strana zadržava po dva (2) primjerka.

Član 12.
Ovaj ugovor važi do 31.12.2017. godine.

ZA PRODAVCA
Edin Potogija

Vlasnik

Irgovačka kućarija potogija

VI. Potogija Edin

Sarajevo, ul. Braće Rankić bb

Broj: 01-2012

Sarajevo, 30.01.2012

ZA KUPCA
Senad Alić, prof.

Direktor

Broj: 01-14-3-26.3/17
Sarajevo, 30.01.2017. godine

